

Na anochi di certificado di Fundacion Digna Lacle-Herrera

Reconocimiento pa Director di FESCA, drs. Arjen Alberts

Discurso di mr. Mike Eman; drs. Rene Herde y drs. Paul Croes



ORANJESTAD -- Durante anochi di entrega di certificado na esnan cu a termina cu excito e promer curso cu Fundacion formacion Politico Digna Lacle-Herrera a organisa, e docente di e curso y alavez director di FESCA, drs. Arjen Alberts a worde reconoci pa su aporte na e curso y na FESCA.

Drs. Arjen Alberts y su famia ta bay biba na Sint Maarten despues di añanan di trabao na Aruba. E tabata funcionario den Departamento di Finanzas, docente den Economia y Finanzas na Universidad di Aruba y na Colegio Arubano

Durante e ultimo añanan

tambe drs. Arjen Alberts a carga e funcion di Director di e instituto científico di AVP, FESCA. Bao di su guia e instituto científico aki a produci un cantidad grandi di estudio y seminario importante pa desaroya un vision integral pa atende cu retonan di gobernacion y maneho pa pais Aruba.

Drs. Arjen Alberts a splica cu e a worde aserca pa mr. Mike Eman pa tuma e posicion di director di FESCA. E a muestra cu e tabata postivamente impresionado cu e rumbo nobo cu e lider nobo di AVP kier y a duna politica, caminda un politico, un partido y un fraccion ta substancia nan

pensamento y posicion cu estudio debido di e materia. Eman tabata kier tin un instituto científico activo y cu e capacidad di por conseha e partido y fraccion cu estudionan y rapportnan cu ta profundisa e materia riba cual mester tuma decision y fiha maneho pa futuro.

Drs. Arjen Alberts ta bisa di ta kere den un asercamento asina di politica y maneho publico y pesey ta duna su aporte y contribucion cu curason na elevacion di politica na e nivel aki.

Drs. Rene Herde, miembro tambe di e directiva di FESCA a muestra di ta contento cu e aporte cu FESCA a duna

e ultimo añanan y cu lo bay na intensifica e trabaonan aki. E a muestra riba e contribucion grandi di drs. Arjen Alberts na realisa e vision cu mr. Mike Eman tabata tin di un instituto manera FESCA. E cantidad di rapportnan, seminario y conferencia cu a influencia e rumbo di debate publico na Aruba ta evidencia di esaki.

Estudionan y rapportnan di FESCA riba tereno di posicion di Aruba den Reino Hulandes y pa cu Union Europeo, funcionamiento di Staten, Nivel di Politca, proteccion di Pensioen di Vehez, Inmigracion y Integracion a pone e dirigencia nobo di AVP den e posicion cu nan kier ta: tuma posiconnan fuerte cu estudionan profundisa cu por substancia nan vision. E diferente estudionan aki a forma e base tambe pa e programa integral di partido AVP, "PLAN ARUBA".

Den esaki, drs. Arjen Alberts, FESCA y partido AVP por conta tambe cu aporte grandi di científiconan y exper-tonan riba diferente materia manera mr. Mito Croes, mr. Luciano Milliard, Harry Oplaat, mr. Eddy Croes, mr. Nicole Hoevertsz, mr. drs. Piet

Pronk, mr. Hans Sjiem Fat, mr. Cedrick Tilma y hopi mas.

Drs. Paul Croes a gradici drs. Arjen Alberts den nomber di Fundacion di Formacion Politico Digna-Lacle Herrera pa e serie exitoso di cursonan cu e a presenta riba "Finanzas Publico y Economia".

Den nomber di partido AVP, mr. Mike Eman a bisa cu Arjen Alberts a dune un sosten grandi den e periodo di renovacion di AVP y di e vision di partido pa e decadanan nobo nos dilanti. E a enfatisa cu Alberts su aporte no a keda limita na e rapportnan oficial di FESCA, pero tambe a contribui na e diferente leynan di iniciativa cu fraccion di AVP a presenta y tambe e reciente amienda di ley pa elimina e medidanan cu un proposicion alternativa substancia. Pesey mr. Mike Eman a gradici drs. Arjen Alberts y su famia pa nan esfuerzo y pasenshi pa e cantidad di oranan largo den weekend y te lat anochi cu hopi biaha a traha pa presenta un trabao serio, responsable y completo. Mr. Mike Eman ta bisa cu e ta contento cu Arjen Alberts lo keda duna su aporte tambe for di Sint Maarten caminda e y su famia lo bay residencia.